

Na osnovu člana 16. stav (4). Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), a u vezi sa članom 139. stav (1). Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13), razmatrajući Amandman I Komisije za mlade Skupštine Zeničko-dobojskog kantona na prijedlog Zakona o osnovnoj školi, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 104. sjednici, održanoj 27.07.2017. godine, d o n o s i

ZAKLJUČAK

I.

Vlada Zeničko-dobojskog kantona ne prihvata Amandman I Komisije za mlade Skupštine Zeničko-dobojskog kantona na Prijedlog Zakona o osnovnoj školi.

II.

Zaključak sa obrazloženjem u kome su sadržani razlozi zbog kojih se ne prihvata Amandman I upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/17.
Datum, 27.07.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo za obrazovanje, nauku, kulturu i sport,
1x Stručna služba Skupštine,
1x a/a.

OBRAZLOŽENJE

I. PRAVNI OSNOV

Pravni osnov za donošenje Zaključka sadržan je u članu 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10) i članu 139. stav 1. Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13).

II. RAZLOZI ZA DONOŠENJE

Komisija za mlade Skupštine Zeničko-dobojskog kantona podnijela je Amandman I na Prijedlog Zakona o osnovnoj školi da se u članu 12. stav (3) Prijedloga Zakona o osnovnoj školi, iza riječi *“gravitacionog područja”* dodaju se riječi: *”odnosno 3 (tri) kilometra za sve učenike od 1. do 3. razreda osnovne škole”*.

Iza stava (3) dodaje se novi stav (4) koji glasi: *“Finansiranje prijevoza učenika od 1. do 3. razreda koji stanuju na udaljenosti većoj od 3 (tri) kilometra vršit će se počevši od školske 2018/2019. godine”*.

Dosadašnji stavovi (4), (5) i (6) postaju stavovi (5), (6) i (7).

Stoga se predlaže neprihvatanje Amandmana I iz razloga što predloženi amandman iziskuje značajna finansijska izdvajanja, koja Budžetom Zeničko-dobojskog kantona za 2017.godinu nisu predviđena, a u 2016.godini npr. iznosila su 3.690.750,83 KM.

U članu 12 u stavu (4) predviđeno je da: „ukoliko posebna komisija Vlade Kantona za procjenu saobraćajne ugroženosti učenika na pripadajućem školskom području utvrdi opravdanost zahtjeva škole za odobravanjem prijevoza na udaljenosti manjoj od 5 (pet) kilometra u jednom pravcu od škole pripadajućeg upisno-gravitacionog područja, Vlada Kantona, na obrazloženi prijedlog Ministarstva, može odobriti dodatni prijevoz učenika na tom školskom području“.

Time je smanjena saobraćajna ugroženost učenika na putu od škole do kuće i svaka situacija može se posebno razmatrati, a član 5 ., stav (8) tretira prvenstvo prava djeteta nad svim drugim pravima.